

易

意

參

疑

易意叅疑外編卷之七

蘇郡 吳江 孫從龍 著

同年 翰林 沈懋孝 閱

錢塘 後學 朱學易 校

杭郡 書林 翁時化 梓

繫辭上傳

第一章

本義曰此章以造化之實明作經之理又言乾坤之理分于天地而人兼體之也

愚按造化之實不外陰陽之變化而變化之道易簡盡之君子求全乎變化則為賢人之德業聖人神明乎變化則成位乎天地之中此章前四節先言天地具乎易理繼言易理見于天地

前後交相發明以見易書之易即天地之易後四節言乾坤分見之理及賢聖薰休之季以見天地之易即人身之易初論作易而以天地明之次論天地而以人事終之示人當求易理于天地又當求天地之理于吾身頃會而求之始得

天尊地卑

一節

乾坤者諸卦之總頭言乾坤則八卦可知而六十四卦皆可推矣易有乾坤卦爻而貴賤者乾坤諸卦爻之定位剛柔者乾坤諸卦爻之定名吉凶者乾坤諸卦爻之時位得失變化者乾坤諸卦爻之尸筮進退也聖人見得此等名物雖具于易而實非始于易當易書未成之前天地間原自有這易理故先以天尊地卑乾坤定矣一句說破易書此乾坤不是易之乾坤乃是天地間之乾坤也此一節專言造化之易見聖人之易之本原

人知易有乾坤卦。不知乾坤未畫之初。天以浮陽運旋于上。地以純陰凝聚其中。天地之尊卑定位。已自有乾坤了。是乾坤已先易書而定矣。非待易卦既畫而後有也。由天地而推之。凡易之在天地間者。皆可知也。由乾坤而推之。凡名物之在易書者。皆可知也。故夫卑高以陳。則凡天地間之貴賤。已先易書而位矣。動靜有常。則凡天地間之剛柔。已先易書而斷矣。非必卦爻上下之位。與卦爻陰陽之稱。而後有此貴賤剛柔也。方以類聚。物以群分。則凡天地間之言凶已先易書而生矣。在天成象。在地成形。則凡天地間之變化。已先易書而見矣。非必卦爻時位之得失。尸策卦爻之進退。而後有此吉凶變化也。是易雖未作。而天地間一部易書。已顯然具在。則夫易中許多物事。皆不過據天地間所見在的。模寫得一番出來。故易非聖人所作也。

發天地之蘊也。乾坤定矣。不該說易之乾坤定于此矣。大義已見上餘放此。

天尊地卑。乾坤定矣。

天在上。確然其健一。乾道也。地在下。隤然其順一。坤道也是。造化自然之易。已有乾坤之實。而特未有乾坤之畫耳。乾坤不先易書而定乎尊卑。重健順意。不重形体。恐涉下卑高故也。卑高以陳。貴賤位矣。動靜有常。剛柔斷矣。

天高地下。萬物散殊。或卑或高。雜然成列。則高即為貴。卑即為賤。而天地間之貴賤已位矣。然則卦有內外。又有承乘。而易以貴賤稱者。造化已先有之矣。豈必易作而後有此貴賤哉。太極動而生陽。靜而生陰。故凡造化人物之屬乎陽者。常動。屬乎陰者。常靜。動則斷然其為剛。靜則斷然其為柔。而天地間之剛柔。

已斷矣然則卦有奇耦爻有老少而易以剝柔分者造化已先有之矣豈必易作而後有此剝柔哉

方以類聚物以群分吉凶生矣在天成象在地成形變化見矣方即所謂向方如人的念頭是也人之事情有善惡而衆理衆欲以類而聚人之品類亦有善惡而君子小人以群而分則善者知其爲吉惡者知其爲凶而休咎淑慝已判然于事物之間矣是天地間之易原自有吉凶也豈必卦爻占決之辭而後吉凶始生也哉陰陽變化之在天而成輕清之象陰陽變化之在地而成重濁之形則象形之未成總是變象形之已成總是化而陽度陰合之妙已顯然其著見矣是天地間之易原自有變化也豈必尸策卦爻之動而後變化始見也哉此節專言天地間見成的易所謂畫前原有易也五字皆見成之辭

是故剝柔相摩八卦相盪

此節言聖人作易正指橫畫伏希登卦就他一上加二却象似摩以一交八却象似盪此形容字眼非真摩盪也摩在八卦未成之前盪在八卦已成之後摩如刃石相戛漸次生出盪只是見成物事旋相推盪如環无端之謂朱註云此易卦之變化也變化與前節變化不同聖人因見天地間融處皆易而其實不過陰陽兩端而已故登一奇以象陽登一耦以象陰而剝柔立焉是為兩儀使兩儀不交則易止于兩耳何由生出四象四象不交則易止于四耳何由生出八卦惟剝柔二者交相摩戛而陰陽老少由是而生陰陽老少又交相摩戛而乾坤八卦由是而成皆一每加二而漸次生出此易卦之小成陰陽之一變一化也三登已具八卦已成則不必再相摩戛而即此八者迭相

推易每以八卦作主而以八卦次第加之如圖七旋運轉生  
乾兌離震各與七卦相溢而三十有二之陽卦立矣巽坎艮坤  
各與七卦相溢而三十有二之陰卦立矣合之則六十四卦此  
皆以一交八而推溢不窮易卦之大成陰陽之千變萬化也易  
卦既成則乾坤于是乎定而貴賤之位剛柔之斷吉凶之生變  
化之見皆在其中矣

鼓之以雷霆潤之以風雨日月運行一寒一暑乾道成男地道成  
女

此二節復言天地之易以見易理之者見也則承上言易書一  
陰陽也陰陽一摩溢也摩溢即變化也變化既成而乾坤貴賤  
等類已无不具矣故由茲以博觀乎天地之間則无雷霆風雨  
之鼓潤日月寒暑之循環其陰陽變化而成象于兩間者孰非



易之象也非易之象乃易之理也此得陽而凝質而天與人物之已男得陰而凝質而地與人物之為女其陰陽變化而成形于兩間者孰非易之形也非易之形乃易之理也蓋求之于未始有局之初則触眼的皆是易之著矣明此于天地卑高明此于動靜方物仰視俯察遠求近取孰非易理之發見流行乎以上四節前後交相發明

乳道成男坤道成女

太上渾淪一團陰陽之氣起初未有天未有地未有人物何有男女名色及至二氣渾淪變化不已固自分阴分陽於是有天有地而為一大男女既有男女之後則氣化分子形化形化衍乎氣化而人物生七變化无穷男女各以類分矣所謂男女者亦只當得陰陽兩字如天体一而實天行健便是天道之所

成男至於人得之而為父為夫動物得之而為雄為牡植物得之而為草木之屬乎陽者皆男也皆乾道變化之所成也如地體二而虛地勢坤便是地道之所以成女至於人得之而為母為婦動物得之而為雌為牝植物得之而為草木之屬乎陰者皆女也皆坤道變化之所成也夫大與萬物之為男者不必同而同屬乎陽故曰乾道成男地與萬物之為女者不必同而同屬乎陰故曰坤道成女男女都是陰陽則陰陽都是易故于成形之實體而可以觀易理之著見矣男女兼天地人物說此男女二字只當得陰陽字面下文本義所謂承上文男女而言乾坤之理言畢就天地之分見一边未看其實萬物之生成皆主宰于天言天地則萬物在其中矣不然乾之知始坤之作成畢竟其所知者何物成者何物

乾知大始坤作成物

承上文乾道成男坤道成女則男女一乾坤也即此乾坤之理而究其分見於天地者言之則乾者天之所以爲天也凡物之始乾皆有以主之此物之氣以兆其形付物之理以開其漸時雖无形而所以爲形色象貌者實无一而不具于其中是乾知大始而凡物之属乎陰陽者莫不始于乾矣雖曰乾道成男凡天與人物之爲陽者皆爲陽道之所成其實陽道統体于天而天道之陽所以主人物之始而肇其原者也坤者地之所以爲地也凡物之終坤皆有以作成之固物之氣以保合太和全物之理而各正性命其於乾之所始一一爲之翕受培養而醞化時化以成之是坤作成物而凡物之属乎陰陽者莫不作者就于坤矣雖曰坤道成女凡地與人物之爲陰者皆爲陰道之

所成其理通統体于地而地道之阴所以成人物之终而作其成者也

乾以易知坤以簡能

此又贊乾坤生成之功一出于自然也夫事莫难于創始而乾无一物之不始若其難矣然乾健而易則德行恒易而常有餘力故氣一至而万化俱生理一行而万物即動要生便生更无凝滯要做便做更无等待物上而始之非必物上而命之也其主始一何易耶功莫煩于成就而坤先一物之不成若其煩矣然坤順而靜則德行恒簡而不自用乘氣之氣以成物之形乘乾之理以成物之性已承受乾之生出來的而醞養成就而謂因始而就終最為省事更无許多煩擾作為故能以簡而作成物此天地无心而成化而生物自然之妙有如此者朱子曰乾

之易只管上一截却屬坤故易坤只是承乾不做上一截事只  
做下面一截故簡

易則易知

一節

此言人法乾坤之道可進於久大而犹未至于聖者也人之心  
事本自明白正大本自與乾坤同体世之人往往傾險使人不  
可近往往勞擾使人不可行以至不能持久而无以崇德不能  
充拓而无以廣業安得為賢而入聖誠能健以勝私心之所存  
一主乎理而克去艱險之私有以勉而為乾之易則此心此理  
明白洞達而凡人之同是心者皆有以洞見其肺腑之真蓋不  
待推測而可知也斯不為易知乎順以制動而其見于事者一  
循乎理而絕去其紛擾之累有以勉而為坤之簡則為之我者  
皆人之所能為患者可企而及怠者可勉而進人皆不若其煩

而心安意肯以樂從之蓋不待勉強而後從也斯不為易從矣  
乎

天下无二心人心无二理吾所以易存心而人易知則吾心此  
理人心亦此理一人之心可孚千万人之心人皆以心相信而  
與之同心者多矣不為有親乎功不必皆自己成人之所為自  
我倡之則其功皆我之功也吾既處事以簡而人易從則吾以  
此作事人亦以此作事一人之為有以倡千万人之為人能為  
之而有成是我有助於人而人之功皆歸于我矣不為有功乎  
夫惟有親則因人心之信而自信為之益堅坦夷明白之度益  
信其為是根深隱伏之私愈去其為非以易而知必以易而終  
而中之所在者可以至于久而不變矣故曰可久夫惟有功則  
以已之功而垂人之功雖徑直而不煩而實成不獨成之事業

雖安靜而不擾而實達必俱達之規模以簡而成已又以簡而  
成物而外之所為者可以至于大而益宏矣故曰可大  
久者純一不已大者魏于成功到久大地位已是聖人于此但  
謂之可久可大則其德其業與聖人未達一間統致賢人地坎  
矣就此涵養得深就此充拓得去將不几于聖乎易知便有親  
有親便可久易後便有功有功便可大此相因自致之妙乃易  
簡之必然者初非有次第等級也易簡雖分立心處事其實未  
有立心易而處事不簡者亦未有處事能簡而不本于立心易  
者如中庸論致中和致中心能致和致和必本于致中其內外  
体用一以貫之者也

易簡而天下之理得矣天下之理得而可以位乎其中矣  
前易簡是勉然的此易簡是統熟的言自可久而精之涵養

熟以至易如乾之易曰可大而括之充拓得尽以至簡如坤之簡則一易而天下之理无不在吾一以之中矣一簡而天下之理无不在吾事為之際矣易簡之外更復何道至此則德為盛德業為大業成人之位於天地之中兼天地之易簡而參天地之化育矣夫位乎天地之中者皆人也必聖人方能成人之位而无愧於為人則前所謂賢于人者犹未也易則易知到易簡理得不是兩截人言易簡到可久可大是造賢人地位了自此進去則易簡理得而成位乎中便是孝問之極功聖人之能事矣此一貫的事六隨其所至而名之耳

## 第二章

本義曰此章言聖人作易君子學易之事

愚按前章言伏希之易而以易知簡能久大德業責成乎休易



者此章言文周之易而以居安樂玩動靜交脩責成于李易者  
蓋剝柔變化乃三極之三理聖人作易以明此理君子李易以  
全此理

聖人設卦觀象繫辭而明吉凶

此承上章而言前聖之精居卦以示則吉凶之理固已默示其  
微矣然非末世之民所能與也文王周公有憂之于是設先天  
所畫之卦而現象以繫之詞統而規乎卦之象則時有消息而  
係彖詞以明一卦之吉凶析而規乎爻之象則任有當否而係  
爻詞以明六爻之吉凶蓋聖人緣象以繫詞使天下後世因詞  
以求象則趨避之機因而利用之功大矣此後聖之蘊因詞以  
發蓋為現象而未得也故也吉凶兼悔吝在內

剝柔相推而生變化

此節該與上節平上言辭之所以作辭作而占在其中矣此言  
變之所以生度生而象在其中矣易之卦爻剝柔而已剝不一  
于剝也剝進之極必有柔以推之柔不一于柔也柔退之極必  
有剛以推之進退柔除推移互換故陰或變陽也或化陰而變  
化生矣其變无常其象不一則所謂言凶者固已寓于卦爻之  
中矣聖人之現象而繫辭者不以此哉推是自內推出外來若  
有所迫而然如有所期而至蓋剝柔之往來迭居初九定在其  
窮則變的道理自是如此

是故言凶者失得之象也悔吝者憂虞之象也

此章首三句似題下面似詳說此節中現象係辭之意而以人  
事明之下節申剝柔變化之意而以造化明之悔吝便是吉凶  
的交互屬悔是吉之漸吝是凶之端順理而得君子修之吉逆

理而失小人悖之凶虞困而憂而悔心之萌安樂而虞乃取吝之道此皆見於人事者當初聖人作易觀卦爻有失得憂虞之象而繫以吉凶悔吝之辭故今既有辭之後而規則所謂吉凶者即人事失得的模樣所謂悔吝者即人事憂虞的模樣也憂虞還分貼好二象字與現象之象不同

變化者進退之象也剛柔者晝夜之象也

卦爻陰陽其一變一化而剛柔之未定者乃進退之象其變化已成而一到一柔各有定在者乃晝夜之象蓋造化之運與時消息將來者進成功者退如氣運之自消而息自息而消是也易之陰乃變陽猶未成乎陽也陽方化陰猶未成乎陰也其變化相推即如進退相禪故以為似之陽明用事于時為晝陰晦用事于時為夜此進退之已定者也易之剛既變陽則已離乎

陰矣湯既化陰則已離乎陽矣其陰陽不同位即如昼夜不同時故以為似之

### 六爻之動三極之道也

動字最重天道陰陽地道三才人道仁義三才極至之理雖不同然要其所以為極則不濫十動而實不倚于靜固融變化抑何神妙无方所謂動而先動也後重謂陰陽不測之中呈極經世謂天地人之至妙至妙者即此也則柔變化周流六位之間九與六之迭用上與下之无常是則所謂動也即此就是三極之道蓋太極本然之妙莫不有動靜所乘之機故三才各一太極之理變化存焉初二之動即剛柔之交錯而地道寓于動矣三四之動即仁義之時出而人道顯于動矣五上之動即陽陽之迭運而天道具于動矣六爻統体一動則各一其極也上

言進退之象晝夜之象而已而此以三極之道言之蓋不謂之象而謂之極其象精矣後言易有太極是推原於卦爻未生之前此言三極之道是究論于卦爻已動之後

是故君子所居而安者

一節

聖人因變以現象因象以示辭不惟尽造化人事之形容抑且具三極大中之至理而易誠不可不孝矣是故君子所居而安者乎剝棄變化之易序所樂而玩者在乎吉凶悔吝之爻辭其躬行心持只一箇易理易之序謂卦爻剝棄消息往來具有事理當然之次第居之而安則進退出入行必由之而无終食造次顛沛之遠者矣爻之辭皆序之所在如失得憂虞曲全其旨皆至理存焉者也樂而玩之則朝斯夕斯涵濡厭飲自不覺其旨趣之滋長矣夫居安在易是体于身者一易也樂玩在爻

是契于心者一易也橫渠謂每讀每有益所以可樂易理有妙  
于心則意趣躍如而樂在其中夫豈不樂玩乎

是故君子居則觀其象而玩其辭動則觀其變而玩其占是以自  
天祐之吉无不利

居安樂玩君子與易為体則日用工夫安有間于動靜是以靜  
則觀卦觀象而併玩其所係之辭動則觀變于陰陽而併玩其  
所值之占象與變一辭與占一但未筮之前則為象辭既筮之  
後則為變占耳觀之玩之則動靜交密而居安樂玩之功至矣  
夫易之理一天也君子動靜皆易動靜皆天隨其所處无適而  
非易之序无往而非文之辭自然天心眷祐趨避皆宜事有得  
而无失動能憂而不虞吉將自至而凶悔吝可免矣又何不利  
哉天地間剛柔变化无一時間人在大化中吉凶悔吝无一息

停吉一而已凶悔吝三焉故上文示以吉凶悔吝者聖人作易之事独吉而无凶悔吝者君子孝易之功

### 第三章

本義曰此章什卦爻辭之通例

愚按首章彖卦二章係辭蓋先有卦而後有辭此章則合卦爻辭什其通例

彖者言乎象者也爻者言乎變者也

王弼曰彖者何也統論一卦之體明其所由之主者也爻者何也言乎變者也變者何也情偽之所為也六爻備而成卦各各全体之象所謂彖者无非一即卦之所以而統言之只是一箇頭項故曰言乎象此六十四卦之通例也六位分而為爻各有一節之變所謂爻者乃隨六爻之義而各言之條分縷析顯

項多矣故曰言乎變此三百八十四爻之通例也彖以言彖意峻繁而渾成爻以言變條理精密而踈暢聖人之蘊因辭以發者如此彖在全体尤渾淪明白故專以彖歸之彖；非无變也彖在逐節尤隨時可見故專以變歸之爻；非无彖也本爻以例觀而易之爻彖及之矣

吉凶者言乎其失得也

過也

其字俱指卦爻說卦爻時位所值不同有時之息位之當者則為得；則惠迪而吉矣有時之消位之不當者則為失；則從逆而凶矣彖有吉凶言乎彖之失得爻有吉凶言乎變之失得耳

卦爻之中得則純然其无疵矣失則不止于疵之小矣故可言吉凶而不可言悔吝也惟剛柔雜居而得失相半有向于得而



未甚得尚不能无小疵者則内生怨艾之心而悔由此起矣有  
向于失雖未甚失而已不能无小疵者則內啓招尤之釁而吝  
由此生矣故彖爻悔吝之辭所以言象變之小疵耳辭有謂轉  
凶為吉而得免于凶轉吝為悔而得免于吝者是謂无咎蓋由  
卦爻中有時位之失其正承乘比應之非其人而或以致咎者  
然其間不死一節之善有以補過而復于无過故得无咎无咎  
者本有咎也補則尚回改復如補罅漏之謂

是故列貴賤者存乎位齊小大者存乎卦辨吉凶者存乎辭

列齊辨皆主易言易有貴賤而列之不相混淆者惟存乎爻之  
位蓋爻言乎變而變之所陳有貴賤合之則內體為賤外體為  
貴析之則乘爻為貴承爻為賤不必故為分列而位有定序則  
差等必于其間矣易有小大而齊之使不相雜惟存乎卦蓋卦

言象而象之所陳或以陰為主而有依阿淟忍之氣象則皆謂之小或以陽為主而有光明正大之規模則皆謂之大不必故為品齊而卦有定分則統体必于其間矣易有吉凶于焉其何者為吉何者為凶則存乎卦爻之辭蓋卦有大小位有貴賤而錯綜更迭之間失得互見惟辭也者所以發卦爻之蘊而開百姓之愚者也故卦有辭而卦之吉凶必矣爻有辭而爻之吉凶辨矣

憂悔吝者存乎介震无咎者存乎悔

介與悔都是易中所有憂之震之須着易上看存乎介存乎悔易之教人憂之震之的机括處在此易有悔吝固言乎小疵矣然易中凡遇悔吝則必為之憂之欲人思患豫防而憂度于其初使不至于悔吝是果安在乎亦存乎介而已蓋易中陰陽消

息之間剛柔當否之際必有所謂介也介即天理人欲分頭處  
乃悔吝所由以有死者誠能憂之于此則識之早而謹其微善  
在所必克而惡在所必克自不至于致悔而取吝矣使悔吝既  
至而後憂則雖憂何及非易之所以教人者也易有補過固言  
乎无咎矣然易中凡遇過咎則必震之教人奮發警悟而復于  
无過是果何在乎亦在乎悔而已彼易中時位既極之餘埋勢  
既窮之際必有所謂悔也悔是人心奮悟之良；心兌息而復  
見之端也惟于悔心之萌而能震動儆惕則不安于既往之愆  
而默起其將來之善矣不有以善補其過而无咎哉大凡改過  
无不自悔中來使不知悔其何能改非易之所以教人者也易  
之憂悔吝必有介存易之震无咎必起于悔介是分別路頭悔  
是省查時節易中點出机括示人學；開物之意精且切矣

是故卦有大小辭有險易辭也者各指其所之

此辭還是總結大意上文卦爻吉凶悔吝无咎逐一說箇通例此則總言卦爻辭原是合一的非卦自卦而辭自辭言卦則爻可知矣大小即齊小大之小大險易即吉凶悔吝无咎之謂卦有大小以陰陽別也辭有險易謂顯勝殊也然辭之險易乃各指其卦之所指耳所謂象言乎象者也辭豈有外于卦哉知則知爻矣是故卦爻辭合而一之者也

楊氏曰讀離復之辭者如行夷塗如遇陽春如對堯舜周孔何其氣象之和樂讀剝蹇之辭者如涉風濤如履霜雪如對桀紂盜跖何其氣象之桀桀此小大險易之謂

#### 第四章

本義曰此章言易道之大聖人用之如此

愚按按聖人生知安行本自能穷理尽性以至于命不必不由易書中求此言用易以穷之尽之至之者不過究言聖人之用不能出此以明易道之大耳

易與天地準故能弥綸天地之道

天地之道即下文齒明生死鬼神仁知與夫天地之化育萬物之生成絕不出乎陰陽之變而已聖人因陰陽之實體為卦爻之法象故易書具有天地之道與之齊準惟其與天地準故于天地之道有以弥之綸之弥是種；周密綸是件；分明易只是陰陽而已兼陰兼陽合萬為一无少滲漏便是弥分陰分陽一實万分各有條理便是綸惟易與天地準故能弥綸其道惟能弥綸其道故益見其與天地準也故能字要看得省道莫大乎天地苟非道與之準則于其中未免有空缺處有觚突處

一能忘地弥綸不弥綸說齊準不得不齊準不能勾運  
如此惟易道之大則理性命皆在其中而聖人之穷理尽性  
命自不能不资于易矣

仰以觀于天

一節

此用易穷理之事天文即日月星辰之成象者所謂昼夜上下  
是也地理即山川陵谷之成形者所謂南北高深是也天文地  
理只是一箇陰陽其間幽明之故只是陰陽变化易有陰陽則  
以易觀天而天之文不出手易矣以易察地而地之理不出乎  
易矣凡幽皆陰為陽之化凡明皆陽為陰之变故博觀于天地  
間而幽明之理穷矣

死生鬼神一而已矣但就人物言則為死生就造化言則為鬼  
神鬼神乃所以生死人物者人物之死生只是陰陽之終始易

有陰陽則死生之理不外乎易矣聖人因易以求其始而原人物何由而死則知有始必有終始者氣之始而理隨以全終者氣之終而理隨以尽設來說去只是一箇陰陽變化更不必復有他說矣死生之說豈不知哉

鬼神无声无臭何為而有情且无也何為而有状蓋鬼神无情其情在物鬼神无状其状在物見其所以聚散乎物者則其情状可知矣鬼神之屈伸只是陰陽之聚散易有陰陽則鬼神之理不能遠矣聖人以易而穷鬼神則見陰精陽氣凝聚而始有物及其散也則五行陰陽各還其本魂魄反于天魄陰反于地而物于是乎為變矣夫氣之聚自无而有神之情也及其顯而為物則神之状也魂魄之散自有而无鬼之情也及其隱而為變則鬼之状也屈伸往來總不出乎陰陽之变化卒復有道

情平情重兩屬陰氣輕清屬陽精之所聚者為魄氣之所聚者  
為魂陰精陽氣妙合而凝或為動物之知覺運動或為植物之  
華色芬臭而物于是乎成如在人則耳目口鼻百骸皆是精之  
凝視聽言動知覺皆是氣之運精氣上升鬼魄下降不特人之  
變為然凡物之枯敗則葬其香氣騰上物則腐于下其類皆然  
張子正蒙曰太虛不能死氣不能不聚而為萬物不能不  
散而為太虛散入无形適得吾體聚為有象不失吾常斯言盡  
鬼神之情狀矣按氣化生息如人鼻息嗟吸自无穷尽固非資  
所產之氣以為吸亦非資所息之氣以為嗟遊魂為變既謂之  
變則存者已亡更无物矣浮屠明鬼謂有識之死受生循環乃  
指遊魂為變為輪迴不太謬乎

與天地相似故不遠



此以易尽性之事此一句是冒頭下面都詳其實天地之道聖人之性本來只是一理聖人尽性為能與天地配合而相似大凡不相似則彼缺未免違悖既有似乎天則與天也何遠既有似乎地則與地也何遠此句虛說未可入仁智講

智周乎萬物而道濟天下故不過旁行而不流  
天高地厚仁智攸分然皆陰陽之理而具于易書者也故聖人用易以為仁智則聰明洞達而凡人之所以為人物之所以為物知之何所不明然不徒知而已又能樽節愛養以仁道濟天下而使人得其所物遂其生者无不至焉所謂處之无不當也夫有周物之知而又有濟物之仁則仁以成知而知有實用不徒驚于虛遠而為空疎之見矣夫何過哉若只有知一邊更无仁的實則為過矣以至事有難處而不可以常理拘者聖人為

之斟酌劑量而委曲成就以行之權宜措置不膠于故常如人之行路有箇正道有箇旁蹊正道或阻塞去不得姑從一條偏路行是為旁行然權而不失其中總歸到正理上去猶旁行小路不失尺寸總走到大路上去所謂權而得中是乃礼也豈至流為變詐之歸而自失其正哉不流就在旁行裡周知而濟物故不過行權而守正故不流此皆言其仁知並用一是處常而及物一是處變而應事者也愚聞之師曰經者廓然大公之体权者物未順應之用則知天下本无經外之权也學者須要識得

樂天知命故不憂安土敦乎仁故能愛

此又言仁智之極天者仁義忠信之理命者吉凶禍福之數人惟不能與理為一而命之所在又不能見得真所以利害榮辱

動其心安能勾樂聖人用而以為知樂夫天理而動靜理俱知夫氣數而无所疑惑則萬境俱徹而百感皆虛可以齊死生一得喪而无一物不在度外矣蓋吾心有真樂是以天下无惡尚何愛之有此智之極而視周物旁行抑又極其精矣安土是隨所居而安在處无入不時敦是篤厚去尽已私純然天理更无夾雜方是敦厚无仁不能安土則自擇便利而私意間隔斯不得為敦仁矣其何能廓然大于天下惟聖人用易以為仁於土皆安而仁无不高則仁益二而愛益周无一物不在度內而廓然宇宙皆表矣不其能愛乎此仁之極而視道所不流抑又極其純矣聖人仁知非有淺深俱隨其所存而言却是一節深一節耳夫聖人尽性而仁知合一如此則知與天道同其高即仁與地同其博厚誠與天地相似故不遠矣

範圍天地之化

而知

此以易至命之事易者陰陽而已天地之化陰陽之氣命之流行也萬物之生陰陽之形命之賦予也昼夜之道陰陽之變命之所以循環而不已也聖人用易窮理尽性以至于命故能裁成天地曲成民物通知昼夜是其所造直到那天命地位与命為一故曰至命

天地之化滔：不穷如一炉金汁鎔化不息聖人則為之鑄焉成器使入模範匡郭如一理分為五常一氣分為四時理陰順陽体国經野使各有其節而不過乎中焉萬物之生總：不一不能以自成聖人則人有教養物有法制品節使人得其所以為人物得其所以為物委曲成就而无少遺闕焉以至幽明生死鬼神之理陰根陽上根陰迭為循環一昼夜之道也聖人之

心陰陽合德故能默契无間知昼矣又兼手夜之道而知七夜  
矣又兼手昼之道而知此即所謂知天地之化育與夫大明終  
始者蓋不徒為聞見之知而已不曰陰陽而曰昼夜以昼夜循  
環人所易見耳張子正蒙曰天道春秋分而氣易犹人一寤寐  
而魂交寃交成夢百感紛紜对寤而言一身之昼夜也氣交于  
春万物操錯对秋而言天之昼夜也昼夜字于此可見前言知  
有其故知有其說知有其情狀是逐事逐物上透徹此言通知  
則渾融而為一矣

故神无方而易无体

神易在易書上看一神兩化对兩化而言謂之易神即一神也  
假如独陰不成獨陽不生既有陰又有陽二者只管變化以至  
百千万变之不同此兩化也所謂易也然陽必变陰非與陰界

然為二陰必變陽非與陽界然為二一物兩體五為其根此一  
神也神故不測也易何以有神有易以易有陰陽也陰陽不測  
之謂神陰陽變化之謂易一書具有陰陽則于其存主處可以  
覩神於其相推處可以覩易聖人以易主命範圍不過曲成不  
遺通知昼夜其无方无体事業皆自用易中來則由聖功以徵  
易道真可以見易書之神无方易无体矣凡滯於此而不通于  
彼者則局于方所止為其一而不能為二者則拘於形体若夫  
易書之神則如乎天地萬物昼夜之中而存主无所不該在陰  
矣又在陽在陽矣又在陰一物兩体初何方所之可即易書之  
易運于天地萬物昼夜之外而流行无所不貫為陰矣又變陽  
為陽矣又化陰變化圓融初何形体之可執易道之大一至于  
此聖心本有自然之神而能用易以存神則與易書之无方若

同其體聖心本有自然之易而能用易以變化則與易書之此  
體者同其用是故以神範圍則易以成天地之能以神曲成則  
易以盡人物之性以神通知則易以兼晝夜之理此惟易書之  
神易有以啓聖心之神易故聖心之神易有以極至命之全功  
也神是體易是用其實一而已矣死方无休正見易與天地準

### 第五章

本義曰此章言道之体用不外乎陰陽而其所以然者則又未嘗  
倚於陰陽也

愚按大子既曰一陰一陽之謂道又恐人泥着陰陽求道故又  
言陰陽是不測之神即天地間至妙至妙之謂道為神所以  
贊道之妙也陰陽不測就在一陰一陽之內蓋即陰陽而言道  
在其中可也執陰陽以泥道則失之矣

一陰陽之謂道

朱子曰此句自有三節意思非有離乎陰陽也即陰陽而指其  
本体不離乎陰陽而為言耳

道之名其來尚矣然所謂道者非他也即所以一陰而復一陽  
者之謂道也蓋陰陽在天地間運行不已一陰矣而又一陽一  
陽矣而又一陰如造化物理人事盈虛消息之相禪闔闔動靜  
之相乘是乃所謂道焉蓋陰陽者氣也而道者理也道固不離  
乎氣之中而亦不離乎氣之外陰而又陽太極之靜而復動也  
陽而又陰太極之動而復靜也蓋本然之妙不出乎所乘之機  
而道在陰陽迭運間矣苟離乎陰陽則道无安泊處其何以名  
道耶一字最圓活只是旋轉不窮意所謂動靜无端陰陽无始  
也蔡氏曰語道体之全則謂之太極語太極之流行則謂之道



語道之妙則謂之神太極之名只是此理之尊號而已

絕之者善也

二句

此就天命之流行賦予分別一陰一陽之道繼是接續不息之意成是凝成有主之意理在天地間只是善本无有不善者生物得來方始名曰性也只是這箇理方天地間繼靜而動而氣之方行則理未著于人物而渾然太極之本真故謂之善此是一截事及至真精妙合而為人為物是氣之結裏凝成而理隨以立所謂物性而與之无妄各具一太極矣不謂之性乎此是下一截事繼成是指氣而言所謂陰陽也善性是指理而言所謂道也

仁者見之謂之仁

一節

謂之仁謂之知不是名道為仁名道為知只是他見得動是道

更不知動外又有靜只見得靜是道更不知靜外又有動承上  
言繼善成性人人各具是性但氣稟不同各以其性之所近者  
窺之故仁者只見得流溢於舒處便專謂之道知者只見得收  
斂貞靜處便專謂之道按仁者識見但知道止於仁竟不知仁  
之外有知按知者見識但知道止于知竟不知知之外又有仁  
至于百姓則蚩々然日囿于是道之中其動靜食息之總是天  
地間道理然行不著習不察全无所見既不知有道之仁亦不  
知有道之知夫仁知上而不全常人昧而莫齊故君子之道鮮  
矣君子何道仁知兼該動靜合一一陰一陽之道也

顯諸仁藏諸用

一節

此以化机出入分別一陰一陽之道朱子曰顯諸仁是用底迹  
藏諸用是仁的心天地一造化也造化一氣机也方氣机之動

而陽也自死而有氣于此運理于此行形發生万物之仁顯然  
在外此春生夏長時節元亨誠之通也方氣机之靜而陰也自  
有而无氣于此凝理于此立凡万物發舒之用收斂歸藏此秋  
遂冬成時節利貞誠之復也夫顯仁者鼓物之出藏用者鼓物  
之入鼓之一字為功甚大以人觀之天地若不能无憂慮作為  
于其間然天地造化是自然的若聖人任民物之責則思所以  
生成之故終是用心做去故不能无憂天地造化氣一噓而物  
隨以顯何思之有氣一吸而物隨以藏何為之有故不與聖人  
同憂夫顯諸仁是用之迹而盛德之所以行顯仁而不憂則盛  
德之至矣藏諸用是仁之心而大德之所以立藏用而不憂則  
大業之至矣夫德業盛大如聖人而聖人不能不運以心徒有  
心是亦未至也大造无心而鼓化于物仁以不勞而顯斯為造

物之至仁用以不宰而藏其功之妙用化不可名神  
測至哉德業之盛大而死得以復加者矣

富有之謂大業

二句

此解說上文德業之意藏用在一何以爲業顯仁在外何以爲  
德蓋方歲用時節收萬物之生而冬藏于倉聚之中共藏萬  
下百谷草木一一歸根復命而冬藏其生息之機其富有盛大  
如此是雖未發於業而業之仁是後日機藏一露其化工不  
可限量矣此因內以知外而謂之大業也當其顯仁時節發舒  
萬物之生意而渾然有光旁之化形、色、化、生、繼出而  
不窮連續而无間其日日增新而愈顯愈盛如此是雖發于外  
者然非德盛於內又何由而有此日新蓋根本盛大而其出之  
窮故因外以知內而謂之盛德也

生生之謂易

此以陰陽循環言之兼造化人物看不承顯仁歲用來天地間  
陰陽兩端而已陰為陽之根陰極則生陽為陰之根陽極則  
生陰往來相禪生息相推如造化之闔闢盈虛人物之動靜榮  
瘁皆是夫陰陽生是陰易而陽上易而陰其往來變化相兼  
相制欲一之而不能斯乃易之謂與專以理言併及書者朱子  
以其理一故耳

成象之謂乾

二句

此就物上看不以天地生物言物生之初胚胎始露朕兆方形  
略成一箇形象此則氣之初凝而輕清未形陽之動也在物理  
上言不謂之乾乎到得物之既生形者已形色者已色軀殼之  
固具許多法出來見得大段詳密矣此則形之已具而重濁

有迹陰之靜也在物理上者不謂之伸乎張子正蒙曰其來也  
几微易簡其安也廣大堅固起知于易者乾乎效法于簡者以  
乎此之謂也象是依稀彷彿之謂成象只是一團氣法則氣聚  
成形而體質已具效字難看如效忠之效是獻出未意思  
極數知來之謂占通變之謂事

此以人事發明一陰一陽之道極陰陽老少之數以定卦爻動  
靜之象因有以知未耒之吉凶此則擬議未定謀慮方興而通  
志決疑于未定之先所謂謀及乃心謀及卜筮者故謂之占也  
既決矣于是見于事焉趨吉避凶而通行乎事爻此則變化已  
成趨向已決而成務定業于既占之後所謂小事大事无不由  
之也故謂之事張氏崖言公事未判時屬陽已判後屬陰此公  
事陰陽一說此章陰陽通在氣一說上義開口就說陰陽迭運

者氣也占與事似若非氣然人事之動死非以氣用事故歸善氣上使然

陰陽不測之謂神

承上言一陰一陽固謂之道矣然道之在陰在陽實不可測靜者吾知其為陰道在陰矣而陰之中未嘗无陽不可專以陰而測乎道之所在也動者吾知其為陽道在陽矣而陽之中未嘗无陰不可專以陽而測乎道之所在也凡造化事物之相禪陰常含陽七常含陰有不可得而測者道之為道斯不謂之神矣乎蓋物則不通神故不測造化之不測者造化之神也事物之不測者事物之神也非天地間之至妙至妙者與道外无神其曰神者所以嘆道之妙如此耳夫子恐人泥着陰陽求道故又剔出此義言道寓乎陰陽之中而超乎日月之外不離于陰陽

而不倚于陰陽非若物之膠于一定而可以形求者也朱子曰所謂不測者只在這裡又在那裡便是這一個物事走來去去無處不在故莫測其所以然者朱氏謂此章節、有一陰一陽之道則節、有陰陽不測之神然道外无神而神外无道也

### 第六章

愚按天下道理不出陰陽天之所以運地之所以載日月之所以明四時之所以行總行之所以著隨他事、物、豈有出于陰陽之外者易書卦久具有陰陽所以外不包括得中間含蓄得多大極于无窮細入于无倫高者出蒼天深者入黃泉无所不有无所不貫故以廣大贊之首節虛、此他廣大的模樣二節則推其所以為廣大三節則詳說其廣大如此也

夫易廣大矣

一節



廣是內之涵蓄无涯大是外之統括无限易以道陰陽也陰陽之理体物而无不有体事而无不在自其遠而言之則雖于戴六合之外其理充足有餘卒莫終穷自其迹而言之則雖旦晷几席之間其理自然充足无少偏缺以言乎天地之間則仰而現俯而察縱橫錯綜皆易理之所在又何一之不備處此道近此道盈天地間亦此道易之廣大如此靜而正只是不假安排而其理无處无之曾无一毫滲漏欠缺不但言天言地而言天地之間則其間事、物、已細畢卒无一不存其中矣間字要省

夫乾其靜也專

一節

此所謂廣生大生乃易之廣大從此生也或說乾坤廣大以此而生、字怎說得去蔡氏曰乾靜專動直之外更何處是大

靜翁動關之外更何處是廣而乃曰乾坤之廣大由此生乎  
此言易之廣大安從生乃從乾坤得來者也天地以生物為心  
乾者天之所以為天也方其靜而利貞雖未見于生物而其生  
物之心則常存不他何等雖然專一及其動而元亨則生意由  
中達外而生物之功勃然直遂而不撓又何動直夫由靜專而  
動直此其氣化流行而萬物資之以始乾之大也易惟標馬乎  
乾是以易理之大亦无所不包而大由此而生矣元坤地之所  
以為地也方其靜而利貞收歛得許多主意在內翁聚其餘及  
其動而元亨則乾氣一立就健乘之以三物豁然開門而死少  
阻塞其動關何如夫由靜養而動關此其包含虛受而萬物資  
之以生坤之廣也易惟標馬乎坤是以易理之廣大无所不有  
而廣由此而生矣

本義謂大以廣言廣以量言此說乾坤之廣大言非正解廣生大生也小註曰以形言之則天包地外地在天之中所以說天之廣大以理與氣言則天之氣却尽在地之中地尽承受得那天之氣所以說其量廣

廣大配天地

至德

首節虛：形容廣大此是說他實處廣大配天地一句為主變通日月易簡皆廣大中所有四時日月至德皆天地間所有靜翁動闢天下之言廣者莫如地靜專動直天下之言大者莫如天易惟得坤之廣而其理无所不有故廣足以配地易惟得乾之大而其理无所不包故大足以配天如四時運行于天地間而易之變通足以配之日月代明于天地間而易之日月之變足以配之夫人得天地之理以有至德而易之易簡足以配之

其廣大配天地如此誠所謂遠不禦近不遺而天地之間之所  
不脩者故曰夫易廣大矣或泥本義配之天道人事句謂此  
節四項平看更詳且悉矣

人之三德就是健順仁礼属健一遠象智属順一邊易中凡陽  
卦陽爻所言皆本乎健坦夷平易總是易之善凡陰卦陰爻所  
言皆本乎順徑直要約總是簡之善其與人之以健存心而直  
之為至易之德以順履事而行之為至簡之德者實相配合自  
易言之謂之善自人言之謂之德其易簡一而已

### 第七章

子曰易其至矣乎

之門

愚按此章項要看得一貫道義是成性中所有知礼只當得知  
行字眼知崇礼早別死他事不過求知乎道義以復乎成性之

良知求行乎道義以復乎成性之良能早與崇只是他知不足  
徹直向上去如天之崇行必著底老實做去如地之早到得知  
行造極則不待求知而成性之良能无不存不待求行而成性  
之良能无不存所謂不待存之而自无不存也夫成性既存則  
性中道義渾融于心而隨其身之運用莫非道義之流行所謂  
心即体欲即用体即道用即象從心所欲而不踰矩矱闢闢弛張  
无往不是天理无違不是時宜如天地設位而變化之明從坎  
出矣到此地位乃聖人德盛仁熟之事然易理所載其非成性  
道義的道理聖人用易以尽性故易為聖人之所以崇德而廣  
業也夫易為尽性之書豈不為至故曰易其至矣乎知便要高  
行却目近始若知不高則識見淺陋若履不切則所行不實陳  
潛室曰知崇即中庸尊德性致廣大極高明的事礼卑即中意

道問學及精微道中庸的事成性如所謂見成於性成性有是  
不曾作壞了的有謂常在這裡如堯舜性之註云天性渾全之  
謂道義在天地則謂之易在人則謂之道義知崇礼卑是聖  
人作易道義時出則易自聖人出矣

### 第八章

本義曰此章言卦爻之用

愚按卦爻之用在言動上見言動是人身之用然必擬議于易  
則卦爻之用其切于人身之用可知首二節是將言其用而先  
原卦爻之所由立第三節四節則替易之可用而欲人用之也  
二十七節則示人用易之例使人引智而能類也然章首並至  
卦爻末但言諸爻之例而不及言卦者亦以卦爻一理耳  
聖人有以見天下之賾故謂之象

擬者象之未成象者擬之已定此以伏羲立象說天下之物雖  
離亂不齊然不越于陰陽之度伏羲卦之時上節先將至賾  
的事物事在心上比度一番看天地間陽底形容如何陰的形容  
如何又于陰陽中擬度其純雜為何如爻卦以象二物宜物之  
為象各有所宜如純奇以象天二本陽之純宜其為三奇也純  
偶以象地二本陰之純宜其為三偶也推之諸卦莫不因其宜  
而立之象夫始而擬之天下之賾之象含蓄于心既而象之則  
天下之賾之象顯設于卦所謂包含變化无有終尽象不在天  
下而在易卦矣是故謂之象言象天下之至賾也

聖人有以見天下之動

謂之爻

此以周公係詞言爻何以謂之爻蓋昔者聖人作易近取諸  
身之中遠取諸天下之大有以見天下之動雖辭辭万變无一

而非其理之綱維故係文之時有事之關於衆理者則錯綜以  
究其詳于以規其衆理之所聚者何在有理之不能兼盡者則  
析衆以要其極于以規其一理之所通者何如博以求其會而  
約以求其通由是以其通行之道立為常行之典蓋天理人情  
之極質之吾心而名當則傳之後世而無疑而大典定于斯矣  
故爰之循乎典礼者則繫辭以斷其吉而示天下知所趨爰之  
悖乎典礼者則繫辭以斷其凶而示天下知所避是以一理貞  
天下之動而待万变于无穷矣是故謂之爻也者效天下之  
動者也

言天下之至賾而不可惡也言天下之至動而不可亂也

聖人因天下之至賾以立象則象雖无又而其隱然示人者固  
莫非言天下之至賾也凡雜亂處人易以厭惡然物宜之象皆



本陰陽之理所謂終日言之而不尽而其味深長者誰可得而  
悉之聖人因天下之至動以繫爻則爻言乎變而其顯無示人  
之固莫非言天下之至動此群動紛紜似无統紀而可乱然其  
吉凶之斷惟觀會通之宜隨事隨物各有條理而截然有至當  
歸一者在誰可得而乱之此贊易之妙而言其可致于用也  
擬之而後言 成其變化

擬議一夫固總是現象玩辭現變玩占但二字上須有本擬只  
是心裡擬度當言與不當言議便在外面商確設處可行與不  
可行也始由象辭以明其理而擬議于未言未動之先又由爻  
占以決其机而擬議于將言將動之際則發言處事自將言將  
動理動適其宜而變化自我成矣謂之成變化者蓋至變其  
易如焉以我体易求變化于易也後未言以時發行以時

言動之間莫非隨時變化之妙則而之擬議工夫至此成就故曰成變化變化不外乎時易者隨時變易以從道也孔子之動靜語默无迹非易孟子之辭受進退自與易合故曰孔子至之時又曰孟子善用易此便是成變化之謂

君子居其室

一節

中孚爻義本言誠信感通之理然人心之感通惟于言行見之言者心之聲行者心之迹以言行之感而召榮辱動天地只是以心之所通故耳此節要看得心字出言本中孚之發則為善言非中孚之發則為不善言之善則人心皆以為善故厲言之不善則人心皆以為不善故還規言則行可知故下以言行對卒言動于心而宣于口如命令訓典之類本是出乎身者然命令所以告人訓典所以示人心聲一著而天下之屬耳者在焉

未始不加之人行本于心而見于事如威儀改事之類本自  
庭朝寧上行起是為祭乎迹者然行出去人就見的如威儀民  
所瞻視政事民所服從雖躬行自近而天下之屬目者在焉未  
始不見乎遠也言行在我而後遠在人是我為主而人為賓故  
知言之祭為榮辱之主也然豈特係人之從違而已哉雖人  
與天地本同一心本同一理若言行果出中心之誠而為善則  
此心是以對天地天地自當孚祐之矣苟言行非出中心之誠  
而為不善則心之无良天地將奪其鑒而降之殃矣動即感動  
之動如所謂形動影隨者夫言行在人小之係乎榮辱大之動  
乎天地如此然則君子可不慎其所發而以中孚為本乎此中  
孚一爻須當擬議如此

君子大同之道不繫于迹而繫于心故有迹以時異而出處  
默之不同者然各隨其分以尽其道而彼此心事實契合而死  
二夫心既无二則誰得間之如利刀斷物誰能阻隔得他蘇子  
所謂人必先疑也而後諛入之心本孚契心本无疑雖有諛邪  
利害亡无所容其間故其利斷金蓋金石雖堅不堅于人心也  
由是以无間之心而彼此互相言說自盡其言之有味如出者  
言出處者言處而各陳其進退之宜出不以處為固處不以仕  
為通也默者言默語者言語而各陳其顯晦之情默不以語為  
办語不以默為隱也不有其臭如蘭者乎

楊誠齋曰出處同道則兩頭顯晦同一情語默同道則更直達  
卷同一意金石雖堅然堅不加于人心故二人一心則石可裂  
金可拆薰蕕同畧一童子能办之臭味不同故也取南山之蘭

離壯山之闢于黃帝不能分臭同故也

苟錯諸地而可矣

一節

苟錯諸地至用可重慶但就象上反覆其旨慎斯以往方說人事上去斯指藉茅之心慎之道也慎斯術以立德則戒慎恐懼而省身克己之功无不至慎斯術以立政則致治保邦而祈天永命之道无不尽又何失之有哉

勞而不伐

一節

効力於天下國家之事謂之勞上品底績而有利于天下國家謂之功伐者誇人德者自足急人知而名也薄亦甚矣不誇于人不足于己此雖畚字寬厚德量以大平素有涵養者方能歛此驕盈之氣故以厚贊之九三以功小人其所養厚矣人凡德之士恒以所得自滿不自知其德之未盛故以所得貶人不

自知其礼之當降三惟厚德君子其心本虛而不自有其德也  
必欲其充養完粹以造極盛的地故其氣甚降而不自誇其  
德礼必欲其樽節退讓以造至恭的地盖德欲增而日進則  
礼欲減而日恭此必然的道理二惟德欲其盛惟恐驕矜未泯  
客氣未除為吾心德之累故礼欲其恭而不容有一毫傲惰之  
氣也又烏知勞之可伐而功之可德哉然礼愈恭則德愈盛而  
功在天下国家自有心解而神服者保有名位盖非其心而实  
自然之驗如此耳按德盛礼恭要相承看始得

乱之所生也

一節

君欲濟事以保其臣必臣言而君納之納焉而心藏之苟君與  
臣謀而輕泄其言則言出而机可授奸臣害其賢者敵国謀其  
能者是嫁禍于臣也且不保矣唐高宗謂武曌以上官儀教我

廢汝正坐此患。臣欲任事以全其身。必慎慮而從之。熟慮而為之。苟以事自任而輕露其策。則言出而黨可乘。小人得肆其終。敵國得行其間。身之禍不旋踵而至矣。陳蕃之宣巨章以示宦官。正坐此患。凡事未成而先露。事不必就。况凡事乎。事曰。凡事則利害伏于隱微。成敗係于毫忽。尤時勢所不當洩者。雖過防之。執恐或露。况言之不密。則惡其成者必開其罅。忤其不便者必沮其謀。終不濟事。而反以兆亂矣。寇萊公謂去丁謂被酒漏言。正坐此患。是故君子慎密不出。以防亂也。以遠害也。口舌乃人身之門戶。可不慎歟。

作易者其知盜乎

一節

盜之所由生也。蓋必有所由。以致以解爻之詞。觀之非知盜者不能作也。何也。蓋負者任戴之勞。小人之役于力也。乘者市服之

崇君子之彰有德也此貴賤之分亦遠矣苟以負而居乘則陵  
非其據能死攘之者乎且小人而在高位則必慢以市上畏以  
虐民撻之者因得借以爲辭而伐之矣苟安能保其信乎犹以  
慢藏者死心于防禦教人以盜也治容者有心于致飾教人以  
淫也其于人也何尤焉易曰負且乘致寇至蓋以解之六三陰  
柔居上德薄而位尊力小而任重其可奪之蠱在我又奚得而  
辭之斯誠盜之招也作易者不以盜責之人而以致盜之責歸  
之已其知盜之情哉擬諒于斯爰者可以度德而居位矣